

cosdem daemones invectione·insurgens subjungit·di- A cens :

VERS. 12, 13. Propterea haec dicit Sanctus Israel: *Pro eo quod reprobasti verbum hoc, et sperasti in calumniam et tumultum, et innisi estis super eo. Propterea erit vobis iniquitas haec sicut interruptio cadens, requisita in muro excelso.*

Ac si dicat: O vos maligni spiritus, fraudulenti·deceptores animarum, qui reprobasti verbum veritatis ab initio, et sperasti in calumniam, et tumultum, et innisi estis super eo, iniquitas haec, per quam animas salvandorum meorum cepistis, erit vobis sicut interruptio cadens, et requisita in muro excelso. Ego enim fortis et potens, ego misericors, ego clemens potenter interrumpam, ego, sicut interrumperit murus, omnem munitionem, imo securitatem vestram, qua habitare in eis et possidere eos sperasti, manu potentiae meae confringam atque disperdam: *quoniam subito, dum non speratur, veniet contritus ejus.*

VERS. 14. *Ei comminuetur, sicut conteritur lagena, figuli contritione pervalida [al. prævalida]. Nominis figuli scipsum, qui haec loquitur, Creator et Redemptor noster vult intelligi. Hujus figuli lagena est quodammodo omnis creatura. Ipse enim noster figulus, nos figuratum ejus. Ipse factor noster, nos factura ejus. Lagena figuli hujus quasi contritione pervalida conteritur, quando lutea illa massa, quod est homo, que noxiō viuorem ardore induruit, recte Spiritus sancti perfusa et emollita ad compunctionis et penitentiae lamenta, medullitus resolvitur. Hæc est prævalida illa contritus, qua optimus ille noster figulus lagenam, desperatum utique peccatorem misericorditer conterit, per quam congestam peccatorum machinam hinc et inde interruptam fortis miserationis suæ manu disjicit, atque dispergit, sicque fit quod sequitur:*

Et non invenietur de fragmentis ejus testa, in qua portetur igniculus de incendio, aut hauriatur parum aquæ de foœa, quia exhausto de foœa cordis coenoso humore concupiscentia carnalis, quæ per aquam potest intelligi, noxiæ eliam delectationis incendium in carne, quæ per testam accipitur, mediante ac refrigerante Spiritu sancto sopitur atque restinguitur, ita duntaxat ut ignis pœnitentiae fortiter ardens intrinsecus in corde pravæ delectationis, igniculum testæ carnis non patiatur accedere. Quod autem intulit dicens:

VERS. 15. *Quia haec dicit Dominus exercituum. Per hoc præcedentia verba sua quodammodo confirmat ut nullus propter enormitatem scelerum de inisericordia Dei disfliat, si relicto tandem peccato ad eum qui verè misericors est, redire curaverit. Unde apte adhuc subjungit:*

Si revertamini, et requiescatis, salvi eritis. Ac si patenter dicat: Si relictis vitiis ad me Deum et Salvatorem vestrum reversi fueritis, et postpositis tumultuantibus carnalium desideriorum ac voluptatum curis in me et super me, qui vera requies sum, requiescere volueritis, æternæ vos saluti restituam, de præteritis criminibus salvando vos et emundando, atque contra consequentium vos malignorum spirituum violentam impugnationem potentia virtutis meæ misericorditer confortando.

In silentio, et in spe erit fortitudo vestra. [Si] sub-repentibus perstrepentibusque vitiis nec consentaneis cogitationibus interfus, nec perversis actionibus exterius responderitis; insuper etiam spe firma, fide integerrima mihi soli, qui sperantibus in me, et de misericordia mea præsumebitis adjutor indeficiens assisto, perfecte adhaeritis, infirmabuntur et peribunt a facie vestra fortissima nequissimi hostis machinamenta.

VEN. GODEFRIDI

ABBATIS ADMONTENSIS

EPISTOLA AD O. QUONDAM MONACHUM SUUM

Ut sibi Josephi aliorumque aucterum libros exscribendos mittat.

[(Anno 1153.)

(R. P. Bernardus Psz, *Thes. Anecd..* tom. V, parte III, col. 364, in codice diplom.-historic.-epistol., ex ms. Tegerns.)

G., Dei gratia id quod est, dilecto in Christo filio O., columbam imitari Noe, quæ emissa retulit ad arcam ramum virentis olivæ.

Qui naturas ferarum didicerunt et noverunt, hoc aliqui eorum scribunt, et dicunt quod naturali qua-

D dam dulcedine ad illa loca frequenter habent recursum, unde primum vivendi sumpserunt exordium. Ita frater, et tu, ut emissiones tuæ sint paradisus malorum punicorum, ad sinum matris tuæ Admontensis Ecclesie, si non corpore, saltem animo, sa-

pius depones recurrere, de cujus fonte quidquid est in te per Dei gratiam disciplinæ, et scientiæ, cognosceris habuisse. Vellem itaque, dilectissime, ut de famoso illo vestre Ecclesiæ armario aliquid, quod apud nos non est, vel scribendum, vel a te scriptum, nobis transmitteres, quatenus ex vestra abundantia nostra suppleretur inopia, et per id tuæ apud nos dilectionis recalesceret memoria. Josephi Opus, Excidium Jerosolymorum, et celebratum Romæ Vespasiani et Titi Triumphum, si apud vos

A est, rogo, ut diligenter, et veraciter inquiras, et nobis per aliquem scribendum transmittere in vera charitate non differas, quia diu est, ex quo apud vos esse idem opus veraciter audivi, sed videre nunquam potui. Labora igitur, ut quod ab aliis non est factum a te fiat, ut tibi et a fratribus tuis gratiarum actio, et a Deo reddatur remuneratio. Vale. Dominum abbatem, germanum tuum ex parte nostra plurimum saluta, eique sicut bonus filius devote obedire et servire cura.

ANNO DOMINI MCXLII

HARIULFUS

ABBAS ALDENBURGENSIS

NOTITIA HISTORICO-LITTERARIA(FABR. *Biblioth. med. et inf. lat.*, tom. III, p. 191)

Hariulfus ex monacho Centulensi S. Richarri abbas S. Petri Aldenburgensis non procul Burgis in Flandria ord. Bened., ab anno 1104 ad 1142, scriptor *Chronici Centulensis* coenobii libris IV ab medio seculo sexto ad annum 1088, editi a Dacherio Spicil. tom. IV, pag. 419 (editionis novæ tom. II, pag. 291-356, ubi longe integrins et emendatius exhibetur beneficio Ursini Durant, ex ms. Centulensi). Versus quibus opus clauditur Mabillonius tom. I *Analect.*, pag. 431 (editionis novæ p. 578). Libro tertio p. 310 notabilis est catalogus voluminum 256 ms. inter divitias claustrales hujus coenobii asservatorum. Ut *Vitam S. Richarri* abbatis libro primo, ita libro secundo S. *Angilberti* abbatis septimi, præter alias persequitur, quam ex hoc Chronicó assert etiam Mabillonius Sæc. IV. Bened. p. 91, et de *Richarri Miraculis* Sæc. V, p. 585; de quibus vide lib. III, c. 18, et lib. IV, c. 9. De *Madelgistro* confessore disserit Hariulfus lib. III, cap. 29, sed hujus *Vitam* peculiariter libro scriptis, quem Gervino, sedis Ambianicæ episcopo dicavit. Hanc ex Mabillonii editione Sæc. IV Benedictin., parte II, pag. 557, repetit Papebrochius additis notis tom. VII Maji, die 30, pag. 265-269. Gervini abbatis *Vitam* persequitur Hariulfus lib. IV, cap. 13, seq., ubi itidem c. 32 notandus catalogus mss. voluminum xxxvi, quæ coenobio contulit. Iluic Gervino an. 1071 defuncto successit Gervinus abbas, secundus hujus nominis, de quo lib. IV, cap. 34 seq.; ubi et epitaphium ejus cap. 36, defuncti an. 1074. Sed scriptis etiam *Vitam S. Arnulfi* Suessionensis episcopi, an. 1087 extuncti, ad Lambertum episcopum Tornacensem, ms. in monasterio Ursicampi ord. Cisterc. in Gallia, diocesis Noviomensis. Appendicem de miraculis S. Arnulfi addidit Lisiardus, episcopus et ipse ab anno 1108 Suessionensis. Inde vitam quoque sub falso Lisiardi nomine, et malo more interpolatam, vulgavit Surius 14 Augusti omissa triplici præfatione, quam post Voissium vidisse se in ms. Ursicampensi et altero S. Germani de Pratis vidisse se testatur Oudinus tom. II, pag. 926. Integrum et sinceram edidit Mabillonius Sæc. VI Benedictin., parte II, pag. 522. Apud Sanderum in Catalogo mss. Belgii, p. 235, memorari videoas *Hariulfum abbatem Alienburgensem de miraculis S. Petri apostoli in Aldenbrock*. Hunc a nostro minime diversum esse, unumque Hariulfum a Cangio in tres distrahi non dubito.

CHRONICON CENTULENSE

AUCTORE HARIULFO.

(Spicilegium Dachery, edit. De La Barre tom. II, p. 294.)

MONITUM.

Chronicon Centulense cum in priori editione variis mendis deformatum, et aliquot non commatisbus solum, sed etiam capitibus mutilum publici juris factum fuisset, nunc integrum edimus, ex humanitate R. P. D.